

TARIKH	25 / 10 / 2012	SEKSYEN	Nasional
MUKA SURAT	R22	RUANGAN	Rap

Khutbah haji dari Arafah

>>Oleh Norhayati Nordin
yati@hmetro.com.my

BAGI menyemarakkan sambutan Aidiladha ini, TV AlHijrah (TVAH) meneruskan tradisi menjadi stesen penyiar pertama negara yang menyiarkan khutbah haji secara langsung dari Padang Arafah. Malah, dalam segmen langsung dari Arafah itu yang kali kedua disiarkan, akan menemui penonton tempatan jam 4 petang ini.


Bahkan, istimewanya khutbah ini apabila ia akan disampaikan sendiri oleh Menteri di Jabatan Perdana Menteri, Datuk Seri Jamil Khir Baharom kepada jemaah haji

Malaysia sebagai lambang kesyukuran Islam.

Di samping siaran khutbah yang pastinya mengimbau kembali Khutbah Wida' yang dilakukan oleh Rasulullah S.A.W, TVA H juga tak ketinggalan turut menyiarkan beberapa rancangan bermanfaat untuk tontonan seisi keluarga dengan tema 'Al- Adha Kembara Suci'.

Selain itu, turut disiarkan juga rancangan menarik dan berinformasi iaitu Labbaikallah kendalian Ustaz Syahrul Faiezi secara langsung dari Tanah Suci Makkah jam 8.30 malam, Isnin ini.

Bersandarkan tenaga kerja terhad empat orang krew penerbitan, Labbaikallah mem-



ARAFAH...tempat umat Islam menunaikan wukuf pada musim haji.

bawakan aktiviti umat Islam sekitar Tanah Suci serta sudut menarik yang boleh dikongsi bersama penonton memabitkan kupasan seperti Kunci Pintu Taubah, Penyerahan Dan Penukaran Kain Kiswah dan pelbagai topik lain.

Bukan itu saja, disiarkan juga Haj Special Documentary dengan tajuk menarik Inside Mecca yang ditayangkan selama 40 minit, jam 11 malam esok. Inside Mecca mendokumentasikan pengembaraan kerohanian tiga Muslim daripada latar belakang berbeza tetapi berkongsi matlamat yang sama iaitu menunaikan haji.

Paparan setiap pergerakan dan pengalaman mereka

dalam mengerjakan haji itu disiarkan secara terperinci. Pun begitu, malam esok, jam 9 malam, penonton TVA H akan menyaksikan telefilem Aku Bukan Haji terbitan Al-Hidayah Production. Telefilem ini menceritakan kisah gelap kehidupan seorang anak muda bernama Muaz lakonan Ashraf Muslim.

Atas desakan hidup untuk membantu ayahnya, Muaz sanggup merompak duit simpanan milik seorang bakal haji yang terkejut dan meninggal dunia akibat serangan jantung. Barisan pelakon lain yang turut menayakan telefilem istimewa ini ialah Nadia, Fauziah Nawi dan Jazlin Puasa.